



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. LXVII. De Bello Sambitarum, Devastatione territorii Girmovv.

urn:nbn:de:hbz:466:1-11850

*Conradus Landgr. Thur. V. Mag. Generalis Ord. Teut.
Henricus de Wida III. Mag. Provincialis in Prussia.*

Privilegium, quod vocatur Culmense datum est An. 1233. Cum Provincia Pomesaniensi deinde Pacta quædam intercessisse testatur Dusburgensis *part. 3. cap. 14.* An verò cum Pogefanis pacta peculiaris sint sancita non memorat Dusburg. *cap. 15.* Posthæc cum Natangi, Warmienses & Bartheneses essent subacti, hæc ipsa Pacta An. 1249. sancita esse putamus, tametsi Dusburgensis eorum *cap. 27.* nullam faciat mentionem. An sint An. 1251. renovata, non liquet. Sed neque cognosci potest, utrum cum Sambiensibus aliisque Prussicis gentibus postea sub jugum Cruciferorum actis aliqua intercesserint Pacta; cum Dusburgensis nihil de iis habeat *Vid. infra cap. 70. 72.*

CAP. LXVII.

De

Bello Sambitarum, Devastatione territorii Girmovv.

Multa bella gesta sunt contra gentem Sambitarum, quæ singulariter enumerare nimis longum esset, tamen aliqua sunt ponenda. Frater Henricus dictus Stango Commendator de Christburg cum exercitu magno de Magistri mandato processit ad bellum contra Sabiam & intravit circa locum, ubi nunc situm est Castrum Lochstete tempore hyemali vastando per incendium & rapinam ex utraque parte usque ad villam Girmovv occisis & captis multis hominibus, ubi occurrunt eis Sambitæ armatâ manu, quibus se opposuit idem Commendator, quasi leo intrepidus, & ut retardaret, quousque exercitus suus posset recedere ad tutum locum, lanceis suis plures vulneravit, tandem circumvenerunt eum Prutheni dolose & plagis pluribus impositis de equo dejecerunt. Quod videns frater Hermannus germanus dicti Commendatoris, commota fuerunt viscera ejus super

Y

per

*Poppo de Osterna VI. Magister Gen. Ordinis Teut.
Henricus de Wida III. Mag. Provincialis Prussiae.*

per fratre suo, non valens tam injuriosam mortem ipsius sustinere, accessit ad bellum, & post longam defensionem, in qua plures lethaliter vulneravit, ambo mortui ceciderunt; alii fratres cum exercitu suo evaserunt.

CAP. LXVII.

De

Quodam miraculo.

DE isto fratre Henrico Stango-
ne Commendatore de Christ-
burg refertur indubitanter, quod
dum ipse in capella flexis genibus
ante altare rogaret Deum, ut o-
stenderet ei aliquo signo, si ejus
gratiam meruisset, crucifixus li-
gneus, coram quo oravit, extendit
brachium suum, & cruce signan-
do ipsum benedixit, quo signo vi-
so contentus recessit. Hoc vidit &
ejusdem castri Sacerdos, qui tunc orando in quodam capellæ an-
gulo latitabat.

*An. Domini MCCLIII. Alexan-
der Papa IV. quondam legatus
Wilhemmus terra Polonia &
Prussia, vacante Imperio sedit.
Hic fuit beneficus gratiosus &
pius in pauperes & multa bona
fecit pro statu terra Prussia
qui angustias, quas ibi fratres
domus Teutonice & alii Christi
fideles patiuntur, fide viderat o-
culatâ.*

CAPUT LXIX.

De

Prænosticatione eventus belli Sambitarum.